

《觀無量壽經》大意補充講表

附表二：

◎由意識能知名義，能滅境界，能薰本識，令惑滅解成，故須意識也。

《大乘止觀述記》云：「意識能知法皆心作，似有無實名義；能滅自心紛動境界；能念念薰，令本識（第八識）中淨性顯用。具此三能，乃令虛妄之惑障（三障）漸滅，智慧之解性（悟證）成就。故須意識修行止觀也。」

又云：「若不先假意識之能，尋名知義，依義起修，觀知境虛，以為對治方便者；自性寂照之用，何由可得乎？」

◎一、意識為能知，心外無法為所知。（意識指第六識）

《占察善惡業報經》卷下云：「如是觀察，一切法唯心想生。若使離心，則無一法一相而能自見有差別也。」

《占察善惡業報經》卷下云：「譬如同在一處，天見琉璃，魚見窟宅，人見清水，鬼見膿血炭火，離彼

四類有情心想，何嘗別有法相可得。又如同一美女，有欲男子視之，以為妙好；等輩妒婦視之，以為怨家。魚見之深入，鳥見之高飛，麋鹿見之決驟。不淨觀人視之，以為行廁；出世聖人視之，知其本空；入假菩薩視之，知其能為十界染淨緣起；佛眼視之，知即法界實相。舉此一法，總不出于十界各自心量，心外無境。一切諸法，例皆可知。」

《占察善惡業報經》卷下云：「常應如是守記內心，知唯妄念，無實境界，勿令休廢，是名修學唯心識觀。」

《占察善惡業報經義疏》卷下云：「守者，不令馳散，即是定也。記者，恒令分明，即是慧也。內心者，

不念前境，了知心外無法，故名為內，非枯守一腔之謂，不可不知。」